

D6 Relokacija zorasa



Ando bêš 1942 angêrde la oxto bêšengira Anuta Brazan-a laka familjasa zorasa katar o Bukurêšti ande Transnistrija. Ande kodo bêš musaj sas te munčin pe ande Transnistrija maj but de 30.000 řumunjakê Řom. E Transnistrija arakhadol pe granica kataj Rumunija taj e Ukrajina. Le bêšîmaskê thana ande logorja sas generalno primitivni kolibe. But žene kata l' deportirime manuša sovenas avri pe l' mala vaj ande l' čorîvaja šupe. E Anuta preživisardja duj bokhakê bêš zoraka bućasa tala bi-manušîkane kondicije. Maj but de jek dopašin kata l' deportirime manuš xasarde kote pesko trajo.

1910

1951

1942

💡 Žanglen tumen

...kê ande Rumunija trajil e maj bari řomaji populacija kataj antrego Evropaki Unija. E estimacija žal kata 1,8 milionur ži ka l' 2,5 milionur.

...kê karing e dopašin le manušengî, save dikhên len le gaže sar Řom, korkoři či dikhên pe sar Řom – pe aver rig, e dopašin kata sja le manuš, kaj sî čačimasa Řom, le gaže či žanen kaj sî le Řom?

✍ Tumari bući

Losaren jek vrjamako sektoro anda o trajo kata e Anuta Branzan (anglaj relokacija zorasa, ando logoro, pala o oslobodimos) taj ramon jek lil jekhê amaleskê/ jekha amalinakê anda lakî perspektiva, sar voj bi ramolas.

📷 Paj fotografija

E Anuta Branzan – e dujto šejoři kataj čači rig – taj lakê pheja ando bêš 1942. Jek bibi kêradja kaća fotografija vuni djes angla lengi deportacija, te bi avelas la jek uspomena kata peskê njamongê šeja. Privatno kolekcija Michelle Kelso, Ann Arbor/Michigan, USA.



<https://www.romasintigenocide.eu/kelderash/d>